

საქართველოს იუსტიციის სამინისტროს
საჯარო სამართლის იურიდიული პირი
საქართველოს ეროვნული არქივი



სატენდერო დოკუმენტაცია

ავტოტექნომოსახურების შესყიდვა გამარტივებული ელექტრონული ტენდერი

(დაფინანსების წყარო – 2013 წლის საკუთარი შემოსავლები)

(CPV- 50100000)

2012

ქ. თბილისი

1. ტექნიკური დოკუმენტაცია

1.1 ანგარიშსწორების პირობები:

1.1.1 სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადის გათვალისწინებით;

1.1.2 ანგარიშსწორება უნდადო ანგარიშსწორებით ღარებში;

1.1.3 ანგარიშსწორება მოხდება ეტაპობრივად მიღება-ჩაბარების აქტის გაფორმებიდან 20 დღის განმავლობაში;

1.1.4 სააგანსო ანგარიშსწორება არ გამოიყენება.

1.2. შესყიდვის ობიექტის ტექნიკური დავალება:

საქართველოს ეროვნული არქივის ბალანსზე რიცხული ავტომობილების (მომსახურებისათვის საჭირო სათადარიგო ნაწილების გათვალისწინებით) ტექნიკური მომსახურება:

#	ა/მ დასახელება	გამოშვების წელი	საიდ. #	რაოდენობა
1	ტოიოტა ლენდკრუიზერი PRADO-2.7	2006	JTEBL29J705036015	1
2	mercedes benz vito -1.10	1998	VSA63807413159587	1
3	volga gaz -3110	1998	saregistracio # AA-0034063	1

ტენდერში გამარჯვების შემთხვევაში პრეტენდენტმა ავტომობილებს უნდა გაუწიოს შემდეგი სახის ტექნიკური მომსახურება:

- პროფილაქტიკური და დიაგნოსტიკური მომსახურების ჩატარება;
- ავტომობილის ოპერატიული და რიგგარეშე შეკეთება;
- სათადარიგო ნაწილების შეკეთება ან/და შეცვლა;
- საცხებ-საპოხი მასალების შეცვლა.
- დაზიანებული ტრანსპორტის ევაკუაცია
- დაზიანებული ნაწილების შეკეთება ან/და შეცვლა;

ტექნიკური შესაძლებლობები

საწარმოო ფართი – მინიმუმ 300 (სამასი) კვ.მ.;

საწარმოო და სასაწყობო სათავსოები და მათი უსაფრთხოების უზრუნველყოფა;

მომსახურების გაწევისათვის გამოყენებული ძირითადი და სათადარიგო მანქანა-დანადგარების საწარმოო სიმძლავრეები;

ავტომობილების ტექნიკური მომსახურების გაწევა ერთდროულად – მინიმუმ 2 ავტომობილი. ავტომობილების მომსახურება გაწეული უნდა იქნას დაუყოვნებლივ, რიგგარეშე;

ავტომობილის დაზიანებული ნაწილი უნდა შეიცვალოს ახალი სათადარიგო ნაწილით. მიმწოდებლის მიერ შეცვლილ ან/და შეკეთებულ სათადარიგო ნაწილებზე გარანტია უნდა ვრცელდებოდეს 6 (ექვსი) თვის განმავლობაში, გარდა იმ შემთხვევისა, როდესაც დაზიანება გამოწვეულია მექანიკური ზემოქმედებით.

პრეტენდენტმა უნდა მიუთითოს ფასები განსაფასებელი ცხრილების (პრეისკურანტების) ჩამონათვალში მოცემულ სათადარიგო ნაწილებისა და მომსახურების ყველა სახეობაზე. პრეისკურანტში განუფასებელი ან ნულით განფასებული სათადარიგო ნაწილები და მომსახურება შემსყიდველის მიერ არ ანაზღაურდება და ჩაითვლება, რომ ამ სათადარიგო ნაწილებისა და მომსახურების ღირებულება დაიფარება სხვა სათადარიგო ნაწილებისა და მომსახურების ხარჯზე.

განსაფასებელ ცხრილებში მითითებული მომსახურების ფასები უნდა იყოს საბოლოო და საჭიროების შემთხვევაში მოიცავდეს კონკრეტული მომსახურების გაწევასთან დაკავშირებული თანმდევი მომსახურების ღირებულებასაც.

ავტომობილების მომსახურება უნდა განხორციელდეს მიმწოდებელსა და შემსყიდველს შორის თითოეულ კონკრეტულ შემთხვევაში დეფექტური აქტის შედგენის შემდეგ, რომელშიც მითითებული უნდა იყოს გასაწევი მომსახურების ან/და სათადარიგო ნაწილების დეტალური აღწერა, აგრეთვე, მომსახურების დაწყებისა და დასრულების ვადები. თუ ხელშეკრულების მოქმედების პერიოდში აღმოჩნდება, რომ განფასების ცხრილში არ არის საჭირო მომსახურება ან/და სათადარიგო ნაწილი, ასეთი სათადარიგო ნაწილის ან/და მომსახურების ფასი დგინდება მხარეთა შორის წერილობითი შეთანხმებით საბაზრო ფასის გათვალისწინებით (ასეთ შემთხვევაში პრეისკურანტში

ავტოსატრანსპორტო საშუალების ტექნიკური მომსახურების ერთეულის არარსებობით გამოწვეული შესყიდვის ხვედრითი წილი არ შეიძლება აღემატებოდეს მიმწოდებლის მიერ ელექტრონული ვაჭრობის შედეგად დაფიქსირებული პრეისკურანტის საბოლოო ჯამური ღირებულების 10 %-ს, ხოლო პრეისკურანტში მომსახურების რომელიმე ერთეულის არარსებობისას, აღნიშნული ერთეულის ფასი მისი შესყიდვის აუცილებლობისას დგინდება შემსყიდველ ორგანიზაციასა და მიმწოდებლის შეთანხმებით საბაზრო ფასის გათვალისწინებით. ასეთ შემთხვევაში პრეისკურანტში მომსახურების რომელიმე ერთეულის არარსებობით გამოწვეული შესყიდვის ხვედრითი წილი არ შეიძლება აღემატებოდეს თავდაპირველად დადებული ხელშეკრულების ჯამური ღირებულების 10 %-ს).

განფასების ცხრილების ჯამური სავარაუდო ღირებულება: 36 777 (ოცდათექვსმეტი ათას შვიდას სამოცდაჩვიდმეტი) ლარი.

იხ. განფასება (პრეისკურანტი).

შენიშვნა:

- ა) სატენდერო წინადადების ფასი წარმოდგენილი უნდა იყოს განფასების ცხრილების (პრეისკურანტების) ჯამური ღირებულების მიხედვით, მაგრამ არაუმეტეს განცხადებაში მითითებული შესყიდვის სავარაუდო ღირებულებისა;
- ბ) ტენდერში ვაჭრობა გაიმართება განფასების ცხრილების ჯამურ სავარაუდო ღირებულებაზე;
- გ) ავტომობილების და მათთან დაკავშირებული მოწყობილობების შეკეთების (მომსახურებისათვის საჭირო სათადარიგო ნაწილების გათვალისწინებით) და ტექნიკური მომსახურების შესყიდვაზე ხელშეკრულება გაფორმდება 6000 (ექვსი ათასი) ლარზე.

1.3. მომსახურების გაწევის ვადები და ადგილი:

მომსახურების გაწევის ადგილი - ქ. თბილისი. მომსახურება გაწეულ უნდა იქნეს 2013 წლის 1 იანვრიდან 2013 წლის 31 დეკემბრის ჩათვლით.

1.4. პრეტენდენტის მიერ სისტემაში ასატვირთი მონაცემები:

- 1.4.1 რეკვიზიტები;
- 1.4.2 სატენდერო წინადადება (ფასი, შემოთავაზება პრეისკურანტის მიხედვით ერთ დეტალზე და მომსახურებაზე);
- 1.4.3 ინფორმაცია ტექნიკური შესაძლებლობების შესახებ;
- 1.4.4 მომსახურების ხარჯთაღრიცხვა (პრეისკურანტი);
- 1.4.5 ინფორმაცია ანალოგიური გამოცდილების შესახებ;
- 1.4.6 ინფორმაცია შესაცვლელი ან/და შესაკეთებელი ნაწილებისა და დეტალების საგარანტიო ვადების შესახებ.
- 1.4.7 ინფორმაცია ავტოსერვისების მისამართების შესახებ;

სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია შემდეგი საკონტაქტო პირებისგან: მარიკა კიკნაძე, ნინო განჯელაშვილი ტელ +99532 238-14-25 ქ.თბილისი, ვაჟა ფშაველას №1.

2. სახელმწიფო შესყიდვების შესახებ ხელშეკრულების პროექტი

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება გამარტივებული ელექტრონული ტენდერის ჩატარების შედეგად. წინამდებარე ხელშეკრულების პროექტის პირობების დაზუსტება განხორციელდება გამარჯვებული პრეტენდენტის სატენდერო წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი.

ქ. თბილისი

2013 წ.

საქართველოს ეროვნული არქივი (მისამართი: ქ. თბილისი, ვაჟა ფშაველას №1 -----, საბანკო რეკვიზიტები: ----- კოდი: -----, სკ-----), შემდგომში წოდებული „შემსყიდველად“, წარმოდგენილი გენერალური დირექტორის მოადგილის სოფიო ლონდარიძის სახით და ----- (მისამართი: ----- საბანკო რეკვიზიტები: ----- ბანკის კოდი: -----, სკ-----) შემდგომში წოდებული „მიმწოდებლად“, წარმოდგენილი მისი დირექტორის ----- სახით, ორივე ერთად წოდებული როგორც „მხარეები“, ვმოქმედებთ, რა საქართველოს კანონმდებლობის, მათ შორის „სახელმწიფო შესყიდვების შესახებ“ საქართველოს კანონის შესაბამისად, ვდებთ წინამდებარე ხელშეკრულებას:

1. 1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1. ხელშეკრულება სახელმწიფო შესყიდვის შესახებ (შემდგომში - „ხელშეკრულება“) - შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომლებზეც ხელშეკრულებაში არის მინიშნებები (გამარჯვებული პრეტენდენტის მიერ წარმოდგენილი სატენდერო წინადადება და დანართები თან ერთვის ხელშეკრულებას და წარმოადგენს მის განუყოფელ ნაწილს).
- 1.2. „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ - კალენდარული დღე, კვირა, თვე.
- 1.4. „შემსყიდველი“ - ორგანიზაცია, რომელიც ახორციელებს შესყიდვას.
- 1.5. „მიმწოდებელი“ - პირი, რომელიც ახორციელებს მომსახურებას ამ ხელშეკრულების ფარგლებში.

2. 2. ხელშეკრულების საგანი

- 2.1. სსიპ საქართველოს ეროვნული არქივის ბალანსზე მყოფი ავტომობილების ტექნიკური მომსახურების (CPV – 50100000) შესყიდვა.

3. 3. ხელშეკრულების ღირებულება

- 3.1. ხელშეკრულების ღირებულება შეადგენს 6000 (ექვსი ათასი) ლარს.
- 3.2. ხელშეკრულების ღირებულება მოიცავს როგორც გასაწევი მომსახურების ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს.
- 3.3. ფასის ცვლილების შემთხვევაში მიმწოდებელი ვალდებულია აღნიშნულის შესახებ აცნობოს წერილობით შემსყიდველს, რომელიც თავის მხრივ უფლებამოსილია არ დაეთანხმოს აღნიშნულ ცვლილებას.

4. მხარეთა ვალდებულებები

4.1 მიმწოდებელი ვალდებულია:

- ა) განახორციელოს ხელშეკრულების მე-2 მუხლით განსაზღვრული მომსახურების გაწევა 2013 წლის 1 იანვრიდან 2013 წლის 31 დეკემბრის ჩათვლით;
- ბ) უზრუნველყოს წინამდებარე ხელშეკრულებით გათვალისწინებული მომსახურების გაწევა (მომსახურების საჭირო სათანადო ნაილების გათვალისწინებით) თანდართული პრეისკურანტის შესაბამისად, რომელიც წარმოადგენს ხელშეკრულების განუყოფელ ნაწილს;
- გ) შემსყიდველის ავტომატური მომსახურებას მიაწოდოს პრიორიტეტი, რაც გულისხმობს მათ რიგგარეშე მომსახურებას;

- დ) შემსყიდველის მიმართვისთანავე, მაგრამ არაუგვიანეს მეორე დღისა ჩაატაროს ავტომატური დათვალიერება და წარუდგინოს შემსყიდველს დეფექტური აქტი, რომელშიც აღნიშნული იქნება მომსახურების გაწევის ვადა.
- ე) მომსახურების გაწევისთანავე გადასცეს შემსყიდველს ავტომატურად;
- ვ) განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე, აგრეთვე დაუყოვნებლივ უზრუნველყოს აღმოჩენილი ხარვეზის გამოსწორება;
- ზ) განახორციელოს ამ ხელშეკრულებით მასზე დაკისრებული სხვა ვალდებულებები.

4.2 შემსყიდველი ვალდებულია:

- ა) უზრუნველყოს ხელშეკრულების შესრულების კონტროლი;
- ბ) განახორციელოს ამ ხელშეკრულებით მასზე დაკისრებული ვალდებულებები;

4.3 ამ მუხლის 4.1 პუნქტის „ბ“ ქვეპუნქტით გათვალისწინებულ შემთხვევაში თუ აღმოჩნდება, რომ დანართი N1-ით არ არის გათვალისწინებული საჭირო მომსახურება ან/და საჭიროა სათადარიგო ნაწილების გამოყენება (გარდა „0“-ით აღნიშნული მომსახურებისა და სათადარიგო ნაწილისა), მხარეები უფლებამოსილი არიან აღნიშნულის შესახებ გააფორმონ წერილობითი შეთანხმება (შეთანხმების ოქმი) რომელიც ორივე მხარის მიერ ხელმოწერისთანავე გახდება ამ ხელშეკრულების განუყოფელი ნაწილი. მასში მიეთითება გასაწევი მომსახურების ან/და სათადარიგო ნაწილების ღირებულება. ამასთან მომსახურების რომელიმე ერთეულის არ არსებობისას, აღნიშნული ერთეულის ფასი მისი შესყიდვის აუცილებლობისას, დგინდება შემსყიდველი ორგანიზაციისა და მიმწოდებლის შეთანხმებით საბაზრო ფასის გათვალისწინებით.

5. გაწეული მომსახურების ხარისხი და გარანტია

- 5.1** გაწეული მომსახურების ხარისხი უნდა აკმაყოფილებდეს დამკვეთის მოთხოვნებს;
- 5.2** გარანტია მიმწოდებლის მიერ გაწეულ მომსახურებაზე ან/და გამოყენებულ სათადარიგო ნაწილებზე ვრცელდება შესაბამისი მიღება-ჩაბარების აქტის გაფორმებიდან 6 (ექვსი) თვის განმავლობაში .
- 5.3** ამ მუხლის 5.2 პუნქტით გათვალისწინებული საგარანტიო მომსახურების პირობები არ ვრცელდება ექსპლუატაციის წესების დარღვევით ან გარეგანი ზემოქმედების შედეგად მიყენებულ ზიანზე.

6. ხელშეკრულების შესრულების კონტროლი

- 6.1** შემსყიდველის მიერ ხელშეკრულების შესრულების კონტროლი განხორციელდება პერიოდულად როგორც მომსახურების გაწევის დროს, ისე ამ ხელშეკრულების მოქმედების პერიოდში შემსყიდველის მოთხოვნათა შესაბამისად.
- 6.2** ინსპექტირებას განახორციელებს საქართველოს იუსტიციის სამინისტროს სსიპ საქართველოს ეროვნული არქივის სამეურნეო სამსახურის უფროსი სპეციალისტი **ზურაბ იმერლიშვილი**.
- 6.3** შემსყიდველის შესაბამისი წარმომადგენელი უფლებამოსილია ჩაატაროს ხარისხის კონტროლი და თუ აღმოჩნდება წუნდებული ხარისხის მომსახურება, მიმწოდებელი ვალდებულია წერილობითი შეტყობინებიდან 2 (ორი) დღეში გამოასწოროს წუნი, იმ შემთხვევაში თუ წუნის გამოსწორება შეუძლებელია და შემსყიდველს უკვე გადახდილი აქვს მომსახურების ღირებულება დაუბრუნოს შემსყიდველს აღნიშნული წუნდებული მომსახურების ღირებულება. მომსახურების უხარისხობა დადასტურებული უნდა იყოს შესაბამისად უფლებამოსილი ორგანოს (პირის) დასკვნით.

7. მომსახურების მიღება-ჩაბარების წესი

- 7.1** მომსახურების მიღება წარმოებს წარმოდგენილი მიღება-ჩაბარების აქტის გაფორმების საფუძველზე.
- 7.2** მიღება ჩაბარებას განახორციელებს საქართველოს იუსტიციის სამინისტროს სსიპ საქართველოს ეროვნული არქივის სამეურნეო სამსახურის უფროსი სპეციალისტი **ზურაბ იმერლიშვილი**.

8. ანგარიშსწორება

8.1 ანგარიშსწორება განხორციელდება შემდეგი პირობებით:

- ა) ანგარიშსწორების ვალუტა - ლარი;
- ბ) ანგარიშსწორების ფორმა - უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.

8.2 შემსყიდველი იღებს ვალდებულებას გადაუხადოს მიმწოდებელს ეტაპობრივად გაწეული მომსახურების ღირებულება წარმოდგენილი მიღება-ჩაბარების აქტისა და საგადასახადო ანგარიშ-ფაქტურის წარმოდგენიდან 20 (ოცი) დღის განმავლობაში. თუკი ანგარიშსწორების განხორციელების ვადის ბოლო დღე ემთხვევა არასამუშაო დღეს, მაშინ ანგარიშსწორება განხორციელდება მომდევნო სამუშაო დღეს.

9. ხელშეკრულების შესრულების შეფერხება

9.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ, რაც შეიძლება მოკლე დროში უნდა აცნობოს მეორე მხარეს მის მიერ მიღებული გადაწყვეტილება აღნიშნულ გარემოებებთან დაკავშირებით.

9.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით, ხელშეკრულების მე-9 მუხლის შესაბამისად.

10. ხელშეკრულების პირობების შეუსრულებლობა

10.1. ფორს-მაჟორული პირობების გარდა, ხელშეკრულებით ნაკისრი ვალდებულებების შეუსრულებლობის ან შესრულების ვადის გადაცილებისათვის მიმწოდებელს დაეკისრება პირგასამტეხლოს გადახდა, ყოველ ვადაგადაცილებულ დღეზე ხელშეკრულების ღირებულების 0.1%-ის ოდენობით.

10.2. შემსყიდველის მხრიდან, ანაზღაურების ვადების გადაცილების შემთხვევაში შემსყიდველს ეკისრება პირგასამტეხლო ყოველ ვადაგადაცილებულ დღეზე გადაუხდელი თანხის 0,1 %-ის ოდენობით.

10.3. იმ შემთხვევაში, თუ ვადების გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 10%-ს, შემსყიდველს უფლება აქვს ცალმხრივად შეწყვიტოს ხელშეკრულება.

10.4. პირგასამტეხლოს გადახდა არ ათავისუფლებს მხარეებს ხელშეკრულებით ნაკისრი ძირითადი ვალდებულებების შესრულებისგან.

11. ხელშეკრულებაში ცვლილებების შეტანა

11.1 ნებისმიერი ცვლილება წინამდებარე ხელშეკრულებაში განხორციელდება წერილობით ორივე მხარის უფლებამოსილი წარმომადგენლის ხელმოწერით.

11.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

12. დავების გადაწყვეტა

12.1 ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკების გზით.

12.2 თუ ასეთი მოლაპარაკების დაწყებიდან 5 (ხუთი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის შესაბამისად მიმართოს საქართველოს სასამართლოს.

13. ხელშეკრულების შეწყვეტა

13.1 შემსყიდველი უფლებამოსილია შეწყვიტოს წინამდებარე ხელშეკრულების მოქმედება, თუ მეორე მხარე ვერ უზრუნველყოფს თავისი ვალდებულებების შესრულებას, ან მოქმედი კანონმდებლობით დადგენილ სხვა შემთხვევებში.

13.2 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს ხელშეკრულებით განსაზღვრული ვალდებულებების შესრულებისაგან.

13.3 ხელშეკრულება აგრეთვე შეიძლება შეწყდეს მხარეთა წერილობითი შეთანხმების საფუძველზე.

14. ხელშეკრულების მოქმედების ვადა

14.1. წინამდებარე ხელშეკრულება ძალაში შედის 2013 წლის 1 იანვრიდან და მოქმედებს 2013 წლის 31 დეკემბრის ჩათვლით.

15. ფორს-მაჟორი

15.1 წინამდებარე ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული მდგომარეობით.

15.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებულნი შემსყიდველის ან/და მიმწოდებლის შეცდომებსა და დაუდევრობასთან, და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით, საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

15.3 მხარემ, რომელსაც შეექმნა ფორს-მაჟორული გარემოება, დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ, წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისგან.

16. სხვა პირობები

ხელშეკრულება შედგენილია სამი თანაბარი იურიდიული ძალის მქონე ეგზემპლარად, ქართულ ენაზე, აქედან ერთი ეგზემპლარი გადაეცემა მიმწოდებელს, ხოლო ორი - შემსყიდველს.

17. მხარეთა რეკვიზიტები:

რეკვიზიტები:

პრეტენდენტის იურიდიული ფორმა და დასახელება:

ხელმძღვანელის სახელი და გვარი:

პრეტენდენტის იურიდიული ან/და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

ბანკის კოდი:

ანგარიშსწორების ანგარიში:

აფიდავიტი

სატენდერო წინადადების დამოუკიდებლად განსაზღვრის თაობაზე

გამოცხადებულ ტენდერში მონაწილეობის მიღების მიზნით, ვადასტურებ, რომ ჩემს მიერ წარმოდგენილი სატენდერო წინადადება შემუშავებულია კონკურენტისგან დამოუკიდებლად. ასევე ვადასტურებ, რომ:

* ჩემთვის ცნობილია, რომ სატენდერო წინადადება დისკვალიფიცირებულ იქნება, თუ აღმოჩნდა, რომ აფიდავითში მოცემული ინფორმაცია არის ყალბი ან/და ცრუ;

* უფლებამოსილი ვარ პრეტენდენტის მიერ, ხელი მოვაწერო ამ აფიდავითს და წარვადგინო ეს სატენდერო წინადადება;

* ნებისმიერი პირი, რომლის ხელმოწერაც დაფიქსირებულია სატენდერო წინადადებაზე, შესაბამისად უფლებამოსილია პრეტენდენტის მიერ;

* ჩემთვის ცნობილია რომ ტერმინი "კონკურენტი" აფიდავითის მიზნებიდან გამომდინარე, გულისხმობს ნებისმიერ პირს, რომელიც შესაძლებელია იყოს პრეტენდენტი ან/და წარადგინოს სატენდერო წინადადება ამ ტენდერში;

* მატერიალური გამორჩენის ან უპირატესობის მიღების მიზნით პრეტენდენტსა და კონკურენტს შორის არ წარმოებულა კონსულტაცია, კომუნიკაცია, შეთანხმება ან მოლაპარაკება შემდეგ საკითხებთან დაკავშირებით:

- სატენდერო წინადადების ფასი;
- სატენდერო წინადადების ფასის გამოთვლის მეთოდი, კოეფიციენტი ან ფორმულა;
- სატენდერო წინადადების წარდგენა ან წარდგენისგან თავის შეკავება;
- ისეთი სატენდერო წინადადების განზრახ წარდგენა, რომელიც არ აკმაყოფილებს გამოცხადებული ტენდერის პირობებს;

• შესყიდვის ობიექტის ხარისხი, მოცულობა, ტექნიკური პირობები ან მიწოდების დეტალები, რომელთაც ეხება სატენდერო წინადადება;

* სატენდერო წინადადების პირობები პრეტენდენტს წინასწარი განზრახვით, პირდაპირ ან არაპირდაპირ, არ გაუმჟღავნებია ან/და არ გაუმჟღავნებს კონკურენტს სატენდერო წინადადებისგან საჯაროების მომენტამდე.



გავეცანი ამ აფიდავითის შინაარსს და ვადასტურებ წარმოდგენილი ინფორმაციის უტყუარობას.

თანხმობა

სახელმწიფო შესყიდვების მიზნებისთვის, აფიდავითი წარმოადგენს სატენდერო წინადადების დამოუკიდებლად განსაზღვრის თაობაზე წერილობით დოკუმენტს, რომლის ხელმოწერი, პრეტენდენტის სახელით, ადასტურებს დოკუმენტში მითითებული ინფორმაციისა და გარემოებების უტყუარობას და საქართველოს კანონმდებლობით დადგენილი წესით პასუხს აგებს აღნიშნული ინფორმაციისა და გარემოებების უტყუარობაზე. აფიდავითით განსაზღვრული პირობების დარღვევა იწვევს სისხლის-სამართლებრივ პასუხისმგებლობას საქართველოს სისხლის სამართლის კოდექსის 195¹ მუხლის შესაბამისად.